

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**M. Vitrvii ... De architectvra libri decem**

**Vitruvius  
Frontinus, Sextus Iulius**

**Argentorati, 1543**

Cap. IX

[urn:nbn:de:bsz:31-128539](#)

quibus etiam inuocati suo iure de populo possunt uenire, id est, uestibula caua ædium, peristylia, quæq; eundem habere possunt usum: igitur his qui communi sunt fortuna, non necessaria magnifica uestibula, nec tablina, neq; atria, quod hi alijs officia præstant ambiundo, quæ ab alijs ambiantur. Qui autem fructibus rusticis seruiunt, in eorum uestibulis stabula, taberne, in ædibus cryptæ, horrea, apothecæ, ceteraq; quæ ad fructus seruandos magis quam ad elegantie decorum possunt esse, ita sunt facienda. Item foeneratoribus & publicanis commodiora & speciosiora, et ab insidijs tutæ. Forensibus autem & disertis, elegantiora & spacioſiora ad conuentus excipiundos. Nobilibus uero qui honores magistratusq; gerendo præstare debent officia ciuibus, facienda sunt uestibula regalia, alta atria, & peristylia amplissima, syluae, ambulationesq; laxiores ad decorum maiestatis perfectæ. Præterea bibliothecas, pinacothecas, basilicas, non dissimili modo quam publicorum operum magnificetia comparatas, quod in domibus eorum sepius & publica consilia, & priuata iudicia arbitriaj conficiuntur.

Ergo si his rationibus ad singulorum generum personas, uti in libro primo de decore est scriptum, ita dispositæ erunt ædificia, non erit quod reprehendatur. Habeant enim ad omnes res commodas & emendatas explicaciones. Earum autem rerum non solum erunt in urbe ædificiorum rationes, sed etiā ruri præterquam quod in urbe atria proxima ianuis solent esse: ruri uero pseudourbanis statim peristylia, dein de tunc atria habentia circum porticus pavimentatas, spectantes ad palestræ & ambulationes. Quo ad potius urbanas rationes ædificiorum summatim prescripti, ut proposui.

DE RVSTICORVM AEDIFICIORVM RATIONIBUS, & multarum partium eorum descriptionibus, atq; usibus. C A P . I X .

**N**VNC rusticarum expeditionum, ut sint ad usum commode, quibusq; rationibus collocare oporteat eas, dicam. Primum de salubritatibus, uti in primo uolumine de moenibus collocadis scriptum est, regiones afficiantur, & ita uillæ collocentur. Magnitudines earum ad modum agri:

## DE ARCHITEC. LIB. VI. 159

dum agri, copiasq; fructuum comparentur. Chortes magnitudinesq; ea-  
rum ad pecorum numerum, atq; quot iuga boum opus fuerit ibi uersari,  
ita finiantur. In chorte culina quam calidissimo loco designetur. Conium-  
ta autem habeat bubilia, quorum præsepio ad focum & orientis celi re-  
gionem spectent, ideo quod boues lumen & ignem spectando, horridi non  
sunt. Item agricole regionum imperiti, non putant oportere aliam regio-  
nem celi boues spectare, nisi ortum solis. Bubilum autem debent esse la-  
titudines, nec minores pedum denum, nec maiores quindenum. Longitu-  
do uti singula iuga, ne minus occupent pedes septenos. Balnearia item  
coniumta sint culine, ita enim lauationis rufice ministratio non erit lon-  
ge. Torcular item proximum sit culine, ita enim ad olearios fructus com-  
moda erit ministratio, habeatque coniunctam uinariam cellam haben-  
tem ad septentrionem lumina fenestrarum. Cum enim alta parte habue-  
rit qua sol calefacere possit, unum quod erit in ea cella confusum ab calo-  
re, efficietur imbecillum. Olearia autem ita est collocanda, ut habeat à  
meridie calidissq; regionibus lumen. Non enim debet oleum congelari,  
sed tempore caloris extenuari. Magnitudines autem earum ad fructuum  
rationem, & numerum & doliorum sunt facienda, quæ cum sint culinae  
ria, per medium occupare debent pedes quaternos. Ipsum autem torcu-  
lar si non coeleis torqueatur, sed uectibus & prelo premitur, ne minus  
longum pedes quadraginta constituatur. Ita enim erit uectuario spatium  
expeditum. Latitudo eius ne minus pedum senum denum, nam sic erit ad  
plenum opus facientibus libera uersatio & expedita. Sin antem duobus  
prelis loco opus fuerit, quatuor & uiginti pedes latitudini dentur. Oui-  
lia & caprilia ita magna sunt facienda, ut singula pecora areæ ne minus  
pedes quaternos & semipedem, ne plus senos possint habere. Granaria  
sublimata & ad septentrionem, aut aquilonem spectantia disponantur.  
Ita enim frumenta non poterunt cito concallescere, sed afflatu refrigerata  
diu seruantur. Namq; cæteræ regiones procreant curculionem, & re-  
liquas bestiolas, quæ frumentis solent nocere. Equilia quam maxime in uil-  
la ubi loca calidissima fuerint constituantur, dum ne ad focum spectent.  
Cum enim iumenta proxime ignem stabulantur, horrida fiunt. Item non  
sunt inutilia præsepio, quæ collocantur extra culinam in aperto, contra  
orientem. Cum enim in hyeme anni sereno cœlo in ea traducuntur, matu-

V 3 tino boues.

tino boues ad solem pabulum capientes, sunt nitidiores. Horrea, fœnilla, farraria, pistrina, extra villam facienda uidentur, ut ab ignis periculo sint uille tutiores. Si quid delicatius in uillis faciendum fuerit, ex symmetrijs, que in urbanis suprascripta sunt constituta, ita struantur, ut sine impeditione rusticæ utilitatis ædificantur. Omnia ædificia ut luminosa sint oportet curari, sed que sunt ad uillas faciliora uidentur esse, ideo quod paries nullius uicini potest obstatere. In urbe autem, aut communium partium altitudines, aut angustiae loci impediundo faciunt obscuritates. Itaque de ea res erit experientum. Ex qua parte lumen oporteat sumere, linea tendatur ab altitudine parietis, qui uidetur obstatere ad eum locum, cuius men oporteat immittere, & si ab ea linea, in altitudinem cum prospiciatur, poterit spatium puri caeli amplum uideri, in eo loco lumen erit sine impeditione. Sin autem officient trabes, seu liminia, aut contignationes, de superioribus partibus aperiatur, & ita immittatur. Et ad summam ita est gubernandum, ut è quibuscumque partibus celum prospici poterit, per eas fenestrarum loca relinquuntur, sic enim lucida erunt ædificia. Cum autem in triclinijs ceterisque conclaibus maximus est usus luminum, tum etiam in itineribus, clivis, scalisque, quod in his saepius alij alijs obuiam uententes, ferentes sarcinas solent incurrire. Quo ad potius distributiones operum nostratiuum, uti sint ædificatoribus non obscuræ, explicui. Nunc etiam quemadmodum Græcorum consuetudinibus ædificia distribuuntur, uti non sint ignota, summatim exponam.

DE GRAECORVM AEDIFICIORVM EORVM.  
que partium dispositione, atque differentibus nominibus,  
satis ab Italicis moribus & usibus discre-  
pantibus. C A P . X.

**A**TRIIS Græci quia non utuntur, neque nostris moribus ædificant, sed ab ianua introcuntibus, itinera faciunt latitudinibus non spaciose, & ex una parte aquilia, & ex altera hostiariaj cellas statimque ianue interiores finiuntur. Hic autem locus inter duas ianuas græce θυρωσεων appellatur. Deinde est introitus in peristyliο. Id peristylium in tribus partibus habet porticus, in ea parte que spectat ad meridiem, duas antas inter se